

Članak 27.

Stupanjem na snagu ovog Zakona, na području Tuzlanskog kantona, prestaje da važi Zakon o izdavačkoj djelatnosti ("Službeni list SR BiH", br. 35/90 i "Službeni list R BiH", br. 3/93 i 23/93).

Članak 28.

Ovaj Zakon stupa na snagu osmog dana od dana objave u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Sabor

Predsjednik
Sabora Tuzlanskog kantona

Dr. Izet Žigić, v.r.

Broj: 01-02-238-26/01
Tuzla, 28. 2. 2002. godine

54

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O UČENIČKIM I STUDENTSKIM ZADRUGAMA

Proglašava se Zakon o učeničkim i studentskim zadrugama, koji je donijela Skupština Tuzlanskog kantona na sjednici od 28. 2. 2002. godine.

Broj: 01-191/02
Tuzla, 11. 3. 2002. godine

Predsjednik
Tuzlanskog kantona,
Mr. Selim Bešliagić, v.r.

ZAKON

O UČENIČKIM I STUDENTSKIM ZADRUGAMA

I OSNOVNE ODREDBE

Član 1.

Ovim Zakonom uređuje se postupak osnivanja učeničke i studentske zadruge (u daljem tekstu: zadruga), članstvo u zadruci, djelatnost zadruge, prava i obaveze zadrugara, upravljanje zadrugom, utvrđivanje i raspoređivanje prihoda, način osnivanja i djelatnost saveza učeničkih i studentskih zadruga i druga pitanja iz oblasti učeničkog i studentskog zadrugarstva.

Član 2.

Zadruga je samostalna, neprofitna organizacija učenika, studenata i nezaposlene omladine (u daljem tekstu: zadrugari) koji se udružuju u zadrugu na principima solidarnosti, uzajamne pomoći i dobrovoljnosti, a u cilju sticanja sredstava ličnim radom za zadovoljavanje ličnih i zajedničkih potreba, poboljšanja uslova školovanja, ličnog standarda i društvenog položaja mladih, sticanja radnih navika i izgrađivanja odgovornog odnosa prema radu.

Ciljeve iz stava 1. ovog člana, zadrugari ostvaruju privremenim i povremenim radom, koji nema karakter radnog odnosa, a za potrebe pravnih i fizičkih lica.

Član 3.

Zadruga ima svojstvo pravnog lica.

Zadruga stiče svojstvo pravnog lica danom upisa u sudski registar.

Član 4.

Za obavljanje stručnih, administrativnih i drugih poslova zadruga može zapošljavati lica u skladu sa Zakonom o radu.

Na zaposlena lica u zadruci ne mogu se prenositi prava o kojima odlučuju zadrugari.

Član 5.

Zadruga odgovara za svoje obaveze svom svojom imovinom. Zadrugari posluju sa trećim licima u ime i za račun svojih članova.

Član 6.

Zadruga može početi obavljati djelatnost za koju je registrovana, kada Ministarstvo obrazovanja, nauke, kulture i sporta (u daljem tekstu: Ministarstvo) utvrdi da ispunjava tehničke i druge uslove, propisane za obavljanje te djelatnosti.

Bliži propis o uslovima koje zadruga mora da ispunjava za obavljanje djelatnosti donosi ministar obrazovanja, nauke, kulture i sporta (u daljem tekstu: ministar).

Postupak utvrđivanja, odnosno provjeravanja, ispunjavanja uslova za obavljanje djelatnosti provodi se u skladu sa propisima, koji uređuju upravni postupak.

Član 7.

Zadruga ima naziv koji sadrži oznaku učenička, odnosno studentska, ime i sjedište.

Zadruga može imati i skraćeni naziv.

II OSNIVANJE I ČLANSTVO

Član 8.

Zadrugu može osnovati najmanje 30 učenika jedne srednje škole, odnosno najmanje 30 studenata JU Univerzitet u Tuzli.

Izuzetno, zadrugu može osnovati najmanje 30 učenika i zaposlenika jedne osnovne škole.

Ista prava i obaveze imaju osnivači i naknadno učlanjeni članovi u zadrugu.

Zadruga se osniva zaključivanjem ugovora o osnivanju zadruge.

Ugovor o osnivanju zadruge zaključuje se u pisanoj formi i sadrži:

- imena osnivača,
- naziv i sjedište zadruge,
- djelatnost zadruge,
- visinu osnivačkih uloga zadrugara,
- prava i obaveze osnivača u pogledu obavljanja djelatnosti, upravljanja i nastupanja u pravnom prometu zadruge,
- ime lica ovlaštenog za sazivanje osnivačke skupštine,
- druge odredbe koje se odnose na osnivanje, rad i prestanak rada zadruge.

Član 9.

Osnovni opći akt zadruge je statut.

Zadruga može imati i druge opće akte u skladu sa zakonom i statutom zadruge.

Statutom zadruge se uređuje naročito:

1. naziv, sjedište i djelatnost zadruge,
2. korištenje sredstava, naknade za izvršeni rad i način odlučivanja o sredstvima,
3. način obrazovanja i raspodjele prihoda, obrazovanje i korištenje sredstava fondova,

4. prava i obaveze zadrugara,
5. predstavljanje i zastupanje zadruge,
6. djelokrug rada Skupštine i drugih organa zadruge, kao i način odlučivanja,
7. postupak i način imenovanja i razrješenja direktora,
8. prava, obaveze i odgovornosti zaposlenih u zadrugi,
9. informisanje zadrugara,
10. kontrola poslovanja, disciplinska i materijalna odgovornost,
11. uslovi za pristupanje, isključenje i prestanak svojstva zadrugara,
12. prestanak rada zadruge,
13. javnost rada,
14. ostala pitanja od interesa za rad zadruge.

Član 10.

Članstvo u zadrugi je dobrovoljno.

Osnivači zadruge su članovi zadruge.

Status zadrugara stiče se uplatom članarine i potpisivanjem pristupnice.

Svojstvo zadrugara se dokazuje članskom knjižicom i godišnje se obnavlja.

Isto lice ne može biti istovremeno član više zadruge.

III DJELATNOST ZADRUGE

Član 11.

Djelatnost zadruge se određuje aktom o osnivanju, a u skladu sa Odlukom o standardnoj klasifikaciji djelatnosti, zakonom i drugim propisima.

Član 12.

Zadruga i poslodavac su dužni da, prije početka rada, ugovorom utvrde prava i obaveze zadrugara, zadruge i poslodavca.

IV PRAVA I OBAVEZE ZADRUGARA

Član 13.

Zadrugar ima pravo na zdravstvenu zaštitu, ako ista nije obezbijedena po drugom osnovu, i na penzijsko i invalidsko osiguranje za slučaj nesreće na poslu i profesionalne bolesti.

Uplata doprinosa za ostvarivanje prava, iz stava 1. ovog člana vrši se u skladu sa zakonom.

Član 14.

Zadrugar ima pravo na naknadu za izvršeni rad u iznosu utvrđenom općim aktom zadruge.

Zadrugar je dužan, prilikom učlanjenja u zadrugu, da da tačne lične podatke.

Zadrugar ne može svoju člansku kartu ustupiti licu koje nije član zadruge i koje nema pravo na članstvo u zadrugi.

Član 15.

Aktima zadruge bliže se određuju osnovi i mjerila za utvrđivanje naknade za rad članova zadruge, način obračunavanja, vrijeme, način i rokovi isplate, način vođenja evidencije o radu, kao i druga pitanja u vezi sa isplatom naknade zadrugara.

Član 16.

Poslodavac je dužan da zadrugaru obezbijedi zaštitu na radu u skladu sa propisima o zaštiti na radu.

Član 17.

Zadrugar ima pravo na naknadu štete koju je pretrpio na radu ili u vezi sa radom.

Obveznik naknade, iz stava 1. ovog člana, je poslodavac.

V UPRAVLJANJE ZADRUGOM

Član 18.

Zadrugom upravljaju zadrugari po principu jedan zadrugar jedan glas.

Član 19.

Organi zadruge su:

1. Skupština,
2. Upravni odbor,
3. Nadzorni odbor, i
4. Direktor.

Član 20.

Skupština je najviši organ zadruge.

Skupštinu čine zadrugari.

Skupština ima predsjednika.

Skupština se sastaje najmanje jednom godišnje.

Član 21.

Skupština, u okviru svoje nadležnosti, donosi:

1. statut i druge opće akte,
2. utvrđuje osnove poslovne politike i mjere za njihovo sprovođenje,
3. imenuje i razrješava predsjednika i članove Upravnog odbora,
4. usvaja izvještaj o radu,
5. bira i razrješava Nadzorni odbor, kao i druge organe zadruge,
6. odlučuje o drugim pitanjima predviđenim statutom zadruge.

Član 22.

Organ upravljanja zadrugom je Upravni odbor.

Upravni odbor zadruge ima tri člana, od kojih je jedan predsjednik.

Predsjednika i članove Upravnog odbora imenuje i razrješava Skupština.

Upravni odbor:

- izvršava poslovnu politiku utvrđenu od strane Skupštine,
- imenuje i razrješava direktora i daje mu smjernice za njegov rad,
- donosi akte o unutrašnjoj organizaciji zadruge i druge akte neophodne za njeno funkcionisanje,
- obavlja druge poslove utvrđene statutom zadruge.

Član 23.

Nadzorni odbor je organ unutrašnje kontrole i nadzora u zadrugi, i broji najmanje 5 članova.

Odluke Nadzornog odbora donose se većinom glasova svih članova odbora.

Član Nadzornog odbora, koji se ne slaže sa odlukom Nadzornog odbora, može izdvojiti svoje mišljenje.

Član 24.

Nadzorni odbor je dužan da:

1. vrši kontrolu cjelokupnog rada i poslovanja zadruge i direktora,

2. vrši nadzor nad upotrebom finansijskih sredstava,
3. u pisanom obliku obavijesti Skupštinu o rezultatima nadzora, ukazujući na eventualne propuste u radu direktora i drugih zaposlenih lica.

Izveštaji Nadzornog odbora obavezno se dostavljaju Savezu učeničkih i studentskih zadruga Tuzlanskog kantona (u daljem tekstu: Savez).

Član 25.

Direktor rukovodi radom zadruge.

Mandat direktora traje 4 godine, sa mogućnošću ponovnog izbora.

Direktor organizuje i rukovodi procesom rada i poslovanjem zadruge, zastupa zadrugu prema trećim licima i odgovoran je za zakonitost rada zadruge.

Član 26.

Način izbora i druga pitanja od značaja za rad, obaveze, prava i odgovornosti direktora i Nadzornog odbora zadruge utvrđuju se statutom zadruge.

VI UTVRĐIVANJE I RASPOREĐIVANJE PRIHODA

Član 27.

Za podmirivanje ličnih i zajedničkih potreba zadrugara, troškova poslovanja i za zadovoljenje drugih potreba, zadruga stiče sredstva od poslodavca kod kojeg su zadrugari angažovani, kao i iz drugih izvora.

Član 28.

Sredstva zadruge iz člana 27. ovog Zakona raspoređuju se na:

1. sredstva za lične potrebe zadrugara, a na osnovu radnog angažovanja i to u iznosu utvrđenom općim aktima zadruge,

2. sredstva za troškove poslovanja i druge zajedničke potrebe zadrugara i zadruge u visini od 9%,

3. sredstva za zajedničke potrebe zadruga i zadrugara, koje se podmiruju preko Saveza zadruga Tuzlanskog kantona, u visini od 1,00%.

Član 29.

Sredstva iz člana 28. tačka 1., ovog Zakona, obračunavaju se i isplaćuju zadrugaru na način i u roku utvrđenom aktom zadruge, a najkasnije narednog dana nakon uplate od strane poslodavca.

Obračun i prijenos sredstava, iz člana 28. tačka 3., ovog Zakona, vrši se prilikom obračuna i isplate sredstava.

Član 30.

Zadruga je dužna da vodi evidenciju isplaćenih naknada za rad zadrugara i da na ukupne zarade izvrši obračun poreza, u skladu sa zakonom.

Član 31.

Višak prihoda nad rashodima usmjerava se u fond zajedničkih potreba zadrugara.

Višak prihoda nad rashodima nema karakter dobiti, i ne može se raspoređivati po osnovu osnivačkih prava i za ličnu potrošnju zaposlenih.

Član 32.

Sredstva fonda zajedničkih potreba zadrugara koriste se na principu solidarnosti za poboljšanje uslova života, školovanja i

stanovanja zadrugara i zaposlenih u zadruzi, finansiranje programa i akcija mladih, unapređenju poslovanja zadruge i za druge namjene od zajedničkog interesa za zadrugare, u skladu sa općim aktom zadruge.

VII SAVEZ UČENIČKIH ZADRUGA

Član 33.

Zadruge se mogu udruživati u Savez.

Član 34.

Savez pruža stručnu i drugu pomoć pri osnivanju novih i u radu postojećih zadruga, saraduje sa nadležnim organima prilikom donošenja propisa i mjera od interesa za zadruge, inicira njihovo donošenje i obezbjeđuje njihovu dosljednu i jedinstvenu primjenu, vrši poslovno povezivanje i informisanje, stara se o njegovanju dobrih poslovnih običaja, zadružnih principa i poslovnog morala, utvrđuje opća pravila rada i poslovnog ponašanja članica Saveza u međusobnim odnosima i odnosima sa trećim licima, zastupa zajedničke interese učeničkog zadrugarstva, zaključuje kolektivne ugovore, utvrđuje i izdaje obrasce, članske karte i druge poslovne dokumente članica, organizuje rad zadrugara u inostranstvu i obavlja i druge poslove od interesa za zadrugare i zadruge.

U Savezu se vodi jedinstvena evidencija zadruga i zadrugara. Zadruge su dužne da redovno dostavljaju podatke po metodologiji koju utvrdi Savez.

Član 35.

Pravilima Saveza bliže se utvrđuju pitanja nadležnosti i izbora organa Saveza, zadružne revizije, članarine i druga pitanja.

Član 36.

Savez donosi opća pravila, kojim se bliže uređuju pitanja od interesa za rad zadruga, uz prethodno pribavljeno mišljenje Ministarstva.

Opća pravila su obavezna za zadruge.

Opća pravila objavljuju se u "Službenim novinama Tuzlanskog kantona".

VIII PRESTANAK RADA ZADRUGE

Član 37.

Zadruga prestaje sa radom:

1. ako nije u mogućnosti da trajnije ispunjava svoje obaveze u pogledu ciljeva radi kojih je osnovana;
2. ako je pravosnažnom sudskom odlukom utvrđena ništavost upisa zadruge u sudski registar;
3. ako se prema zadruzi izrekne zabrana vršenja djelatnosti;
4. uslijed pripajanja drugoj zadruzi;
5. i u drugim slučajevima predviđenim zakonom.

Član 38.

Sredstva, koja preostanu poslije prestanka rada zadruge, prenose se Savezu zadruge i koriste se za osnivanje nove zadruge, odnosno, za razvoj zadrugarstva za područje na kojem je poslovala zadruga koja prestaje sa radom.

IX KAZNENE ODREDBE

Član 39.

Novčanom kaznom od 300 do 3.000 KM kaznit će se za prekršaj zadruga ako:

1. učlani lice koje ne ispunjava uslove propisane članom 8. ovog Zakona,
 2. obavlja djelatnosti suprotno članu 11. ovog Zakona,
 3. rasporedi prihode suprotno članu 28. i 29. ovog Zakona.
- Za prekršaj iz stava 1. ovog člana kaznit će se i odgovorno lice u zadrugi novčanom kaznom od 200 do 1.000 KM.

Član 40.

Novčanom kaznom od 200 KM do 2.000 KM kaznit će se za prekršaj zadruga ako:

1. otpočne sa radom suprotno odredbama člana 3. i člana 6. ovog Zakona,
2. ograniči protivno zakonu prava zadrugara (član 13. i 15.),
3. ne sazove Skupštinu najmanje jednom godišnje (član 20. stav 4. ovog Zakona),
4. ako izvještaj Nadzornog odbora ne dostavi Savezu učeničkih i studentskih zadruga Kantona (član 24. stav 2. ovog Zakona),
5. neblagovremeno raspoređuje prihod i ispunjava obaveze (član 29. i 30. ovog Zakona),
6. koristi sredstva fonda zajedničkih potreba protivno namjeni iz člana 31. ovog Zakona.

Za prekršaj iz stava 1. ovog člana kaznit će se i odgovorno lice u zadrugi novčanom kaznom od 150 do 800 KM.

Član 41.

Novčanom kaznom od 250 KM do 2.500 KM kaznit će se za prekršaj poslodavac ako:

1. angažuje zadrugara za rad na poslovima suprotno članu 11. ovog Zakona,
 2. angažuje zadrugara bez utvrđenih prava i obaveza sa zadrugom (član 12. ovog Zakona).
- Za prekršaj iz stava 1. ovog člana kaznit će se i odgovorno lice poslodavca novčanom kaznom od 150 do 1.000 KM.

Član 42.

Novčanom kaznom od 100 KM do 300 KM kaznit će se zadrugar ako:

1. se istovremeno učlani u više zadruga (član 10. stav 5. ovog Zakona),
2. prilikom učlanjenja u zadrugu da netačne podatke (član 14. stav 2. ovog Zakona),
3. svoju člansku kartu ustupi licu koje nema pravo na članstvo u zadrugi (član 14. stav 3. ovog Zakona).

X PRIJELAZNE I ZAVRŠNE ODREDBE

Član 43.

Postojeće zadruge dužne su da svoju organizaciju i opća akta usklade sa ovim Zakonom u roku od 6 mjeseci od dana stupanja na snagu ovog Zakona.

Član 44.

Ministar će u roku od 6 mjeseci od stupanja na snagu ovog Zakona donijeti bliži propis o uslovima koje zadruga mora da ispunjava za obavljanje djelatnosti.

Član 45.

Ovaj Zakon stupa na snagu osmog dana od dana objavljivanja u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
TUZLANSKI KANTON
Skupština
Broj: 01-02-369-19/01
Tuzla, 28. 2. 2002. godine

Predsjednik
Skupštine Tuzlanskog kantona
Dr. Izet Žigić, v.r.

54

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

UKAZ**O PROGLAŠENJU ZAKONA O UČENIČKIM I STUDENTSKIM ZADRUGAMA**

Proglašava se Zakon o učeničkim i studentskim zadrugama, koji je donio Sabor Tuzlanskog kantona na sjednici od 28. 2. 2002. godine.

Broj: 01-191/02
Tuzla, 11. 3. 2002. godine

Predsjednik
Tuzlanskog kantona,
Mr. Selim Bešliagić, v.r.

ZAKON**O UČENIČKIM I STUDENTSKIM ZADRUGAMA****I TEMELJNE ODREDBE**

Članak 1.

Ovim Zakonom uređuje se postupak utemeljenja učeničke i studentske zadruge (u daljem tekstu: zadruga), članstvo u zadrugi, djelatnost zadruge, prava i obveze zadrugara, upravljanje zadrugom, utvrđivanje i raspoređivanje prihoda, način utemeljenja i djelatnost saveza učeničkih i studentskih zadruga i druga pitanja iz područja učeničkog i studentskog zadrugarstva.

Članak 2.

Zadruga je samostalna, neprofitna organizacija učenika, studenata i neopslene omladine (u daljem tekstu: zadrugari) koji se udružuju u zadrugu na principima solidarnosti, uzajamne pomoći i dobrovoljnosti, a u cilju stjecanja sredstava osobnim radom za zadovoljavanje osobnih i zajedničkih potreba, poboljšanja uvjeta školovanja, osobnog standarda i društvenog položaja mladih, stjecanja radnih navika i izgrađivanja odgovornog odnosa prema radu.

Ciljeve iz stavka 1. ovog članka, zadrugari ostvaruju privremenim i povremenim radom, koji nema karakter radnog odnosa, a za potrebe pravnih i fizičkih osoba.

Članak 3.

Zadruga ima svojstvo pravne osobe.
Zadruga stječe svojstvo pravne osobe danom upisa u sudski registar.

Članak 4.

Za obavljanje stručnih, administrativnih i drugih poslova zadruga može upošljavati osobe sukladno Zakonu o radu.